



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCLXXXI. ad annum MCCCXIV.

**Parisiis, 1644**

Praefatio.

**urn:nbn:de:hbz:466:1-15974**

ANNO  
CHRISTI  
1533.

CLEMENS P. V. RAVENNATE II. HENRICVS VII. IMP. 767

PRÆFATIO.

IN NOMINE DOMINI AMEN.

*Constitutiones editæ in Concilio prouinciali, celebrato in ecclesia Rauennati, & conuocato per venerabilem patrem dominum Rainaldum, permissione diuina sanctæ Rauennatis ecclesiæ archiepiscopum.*

**A**d honorem omnipotentis Dei, & gloriosæ virginis Mariæ, beatorum apostolorum Petri & Pauli, beati Apollinaris martyris, patroni sanctæ Rauennatis ecclesiæ, beatorum martyrum Vitalis & Vrficini, & ceterorum, quorum reliquias & patrocina complectimur in ipsa metropoli ecclesia, & ad restaurationem ecclesiarum, & reformationem morum ecclesiasticarum, & sæcularium personarum, & pro salute animarum in hoc sancto prouinciali Concilio, cui, auctore Deo, præsidemus, vna cum venerabilibus patribus Dei gratia dominis. V. Bononiensi, H. Regiensi, M. Ceruensi, & P. Foropolienti episcopis, & fratre Hugolino electo Fauentina, sanctæ Rauennatis ecclesiæ suffraganeis, & procuratoribus videlicet dominorum P. Parmensis, R. Forliuensis, I. Cæsenaensis, fratrum P. Comaclensis, I. Adriensis, & Ven. Saxonensis, episcoporum suffraganeorum absentium, quasdam constitutiones Conciliorum, Synodorum, Canonum, & decretalium epistolarum, & aliorum iurium antiquorum & antiquatorum, per obliuionem & negligentiam inobseruatorum, rememoratorias & executorias rediuiua repetitione edendas præuidimus, quas in subditis recensemus, & publicari mandamus: volentes & mandantes, quod sacri Canones, & sedis apostolicæ decretales, & legatorum eius constitutiones, & decreta sanctorum patrum, quantum possibile fuerit, ab omnibus subditis debeant efficaciter obseruari, & infra scriptæ constitutiones.